

**63. stjórnarfundur; símafundur haldinn 11. desember 2012.**

Mætt voru: Kristveig Sigurðardóttir, formaður, , Björn Ármann Ólafsson , Böðvar Pétursson, Elín Heiða Valsdóttir, Hjalti Þór Vignisson, Sigrún Helgadóttir, Snorri Ingimarsson og einnig Þórður H. Ólafsson, framkvæmdastjóri, sem ritaði fundargerð.

Rósa Björk Halldórsdóttir, varaformaður, var fjarverandi.

Fundur hófst kl. 17:00

**1. Ákvörðun um álitsgjöf frá Náttúrufræðistofnun Íslands (NÍ) og Umhverfisstofnun (UST) um álitamál varðandi nokkur atriði vegna vinnu við breytingu á Stjórnunar- og verndaráætlun Vjþ.**

Til umræðu voru eftirtaldar fimm tillögur:

**I. Útfærsla á tillögu Svæðisráðs Vestursvæðis.**

Að tillaga svæðisráðsins haldi sér, en að farið verði í úttekt á næstu árum.

**II. Að fá álit NÍ og UST á þessum leiðum.**

Samkvæmt lögum skal stjórnvinna áætlunina í samráði við NÍ og UST.

**III. Að fara í úttekt á áhrifum aksturs á þremur leiðum í vatni varðandi náttúrufar, mengunarhættu og slysa-hættu á fólki. (Þetta eru hluti af hringleið um Hellnafjall, leiðin með norðurbakka Langasjávar og leið um Blautulón)**

Þ.e. leita til NÍ, UST og fleiri stofnana/aðila. Í fyrsta skrefi slíkrar úttektar mætti gefa þröngan tímaramma (sama og er gagnvart heildarendurskoðuninni) og kanna hvaða upplýsingum er hægt að safna á þeim tíma fyrir hendi er. Nokkuð liggur fyrir af upplýsingum t.d. um Langasjávarsvæðið m.a. vegna mats á umhverfisáhrifum Skaftárveitu.

**IV. Að hafa samráð við NÍ og UST um skjalið í heild**

Leita álit NÍ og UST á skjalinu í heild eins og það lítur út í dag með fyrirvörum um að vinnan er enn í gangi og niðurstaða ekki komin í ýmis mál, t.d. varðandi Vonarskarð og Vikrafellsleið, göngubrýr, tjaldgistingu o.fl.

**V. Að hafa samráð við NÍ og UST um skjalið í heild og að álit verði einnig leitað utan þessara stofnana varðandi leiðirnar þrjár í vatni.**

Sambland af leið III og IV, þ.e. leita samráðs við NÍ og UST um skjalið í heild eins og það lítur út í dag með fyrirvörum. Einnig leita til annarra aðila til að fá sem heildstæðastar upplýsingar um öryggismál, umhverfismál og náttúrufar í sambandi við leiðirnar þrjár í vatni á vestursvæði þjóðgarðsins.

- Eftir umræður um ofangreindar tillögur var gengið til atkvæðagreiðslu um þær og fékk tillaga IV alls 4 atkvæði og tillaga V fékk 2 atkvæði.

Sérbókun stjórnarformanns, Kristveigar Sigurðardóttur og fulltrúa náttúruverndarsamtaka, Sigrúnar Helgadóttur:

*„Við álítum að stjórn Vatnajökulshjóðgarðs ætti að leita álits fleiri aðila en NÍ og UST á breytingum á Stjórnunar- og verndaráætlun hjóðgarðsins. Sérstaklega teljum við mikilvægt að afla, sem kostur er, upplýsinga um þrjár leiðir á Vestursvæði hjóðgarðsins áður en ákvörðun um þær verður tekin í stjórn. Þetta eru hluti af hringleið um Hellnafjall, leiðin með norðurbakka Langasjávar og leið um Blautulón, en á öllum þessum leiðum er gert ráð fyrir akstri í vatni. Stjórn hefur ekki undir höndum álit fagaðila á því hvaða áhrif akstur á þessum leiðum gæti haft á líffríki og annað náttúrufar, hver hætta sé á mengun af völdum þessa aksturs og hvaða afleiðingar slík mengun gæti haft og hvaða hætta mönnum gæti stafað af því að ferðast um þessar leiðir.“*

Bókun:

*„Undirrituð leggja áherslu á að haldið verði áfram með undirbúning að breytingu á Stjórnunar- og verndaráætlun eins og lög gera ráð fyrir. Öll svæðisráð hafa gert tillögu að breytingum á áætluninni og hefur svæðisráð vestursvæðis tvívegis tekið málið til umfjöllunar. Eins og löggin segja til er næsta skref að leita eftir samráði við þá aðila sem lög um Vatnajökulshjóðgarð tilgreina sem samráðsaðila við mótun stjórnunar- og verndaráætlunar. Við lokafrágang að Stjórnunar- og verndaráætlun er jafnframt mikilvægt að virða stjórnkerfi garðsins og vinnu þeirra 24 fulltrúa sem sitja í svæðisráðum og tilnefndir eru frá sveitarfélögum, frá aðilum í ferðaþjónustu, umhverfisverndarsamtökum og útivistarsamtökum.“*

Björn Ármann Ólafsson  
Böðvar Pétursson  
Elín Heiða Valsdóttir  
Hjalti Þór Vignisson  
Snorri Ingimarsson

- Framkvæmdastjóra falið að leita eftir samráði við Náttúrufræðistofnun Íslands og Umhverfisstofnun og biðja um álit þeirra á skjalinu í heild. Skjalið verði sent stofnununum eins og það lítur nú út, með fyrirvara um þau atriði sem enn eru óafgreidd og mikilvægt er að fá faglegt álit stofnananna á.

Fundi lauk kl. 17:45